


乙

TS124/7671

CHINESE-JAPANESE LIBRARY OF
HARVARD-YENCHING INSTITUTE
AT HARVARD UNIVERSITY
SEP 29 1950



卷之十三

與徐伯玉

與徐伯玉

與徐伯玉

與徐伯玉

與徐伯玉

與徐伯玉

與徐伯玉

與徐伯玉

與徐伯玉

與徐伯玉

與徐伯玉

與徐伯玉

田拳集卷之十三目錄

書

讓柴仲初

與李之文

與楊伯翌二首

與賀伯闇

與余君房

與田叔

與沈長孺

與馮開之小牘八條

上座主啓

與沈君典諸子

與孫太史諸君

與張長公諸君

與沈君典三首

由拳集卷之十四目錄

書

與沈嘉則先生二首

與孫以德

與貞夫

與王元美先生

與開之

與沈少卿

上汪宗伯

與沈箕仲

上座王朱太史

與唐惟良

與曾合肥

寄余沈二太史

寄高先生

由拳集卷之十五目錄

書

寄田叔

寄海上故人

又寄余君房

又寄楊伯翼

寄張長公

寄李之文

寄開之四首

與沈君典

寄少宗伯土公

報徐長孺二首

與王伯穀

奉徐少師

與高升伯

答沈嘉則先生二首

答錢淵父

與開之五首

由拳集卷之十六目錄

書

與王元美二首

與丁右武

與王敬美

奉陳玉未

與馮太常

與鄭職方

答陸宗伯

寄張幼于兄弟

答徐益孺

答王敬美

寄張太史

寄館中諸同年

上張申二閣師

與王百穀二首

與沈君典

與周元孚

答徐孟孺

與王元美先生

與王百穀

與瞿霽夫

與馮開之四首

與孫以德二首

與董陽明

與嘉則先生

與孺穀

與甘應溥侍御

與董太史

與馮駕部

與陸敬承

與沈箕仲

與楊公亮

由拳集卷之十七目錄

書

與李之文

與陳伯符

與歐楨伯

與沈君典

與王元美先生

與沈茂仁

與沈少卿

與顧實甫

奉少宗伯余公

與沈肩吾太史

與李臨淮

與王敬美

報賀伯闇

與馮開之

與沈君典

與君典開之

與馮開之

與王元美先生

與李之文

與周元孚

與王百穀

與馮開之

與王百穀

與田赤

與馮開之二首

與君典開之

與沈君典

與君典開之

與馮開之

與沈嘉則二首

報開之

由拳集卷之十八目錄

碑記

脩潁上縣東門河隄碑記

禱雨記前

禱雨記後

重建勅封昭靈侯張龍王祠碑記

開化紀遊上

開化紀遊下

壯征記

發潁陽記

二陸先生祠記

晉仲鮑叔廟碑記

由拳集卷之十九目錄

傳

吾謹傳

開化令傳

少司馬屠公傳

王處士小傳

程列女傳

沈嘉則先生傳

由峯集卷之二十目錄

祭文

祭陳主事

祭范夫人

祭沈夫人

祭比部朱先生

祭方夫人

祭伍進士

祭史夫人

祭魯母袁太宜人

祭家司馬

祭柴方伯

祭張大司馬

由拳集卷之二十一目錄

祭神文

祭河神二首

告城隍三首

祭城隍謝雨

祭張龍王

祭武安王謝雨

祭城隍謝晴

祈晴

謝晴

由拳集卷之二十二目錄

誄

先君丹溪公誄

大司馬張公誄

由拳集卷之二十三目錄

雜著

文論

與友人論詩文

擬岳將軍上秦相國書

嶺西大捷露布

趙太夫人行畧

贈陳伯符奉詔歸娶錦帳詞

由拳集卷之一

哈佛大學漢和
圖書館珍藏印

東海屠隆長卿

屠隆
著

賦

滇海波恬賦

西嶽山人遊於東海遭東海生於海濱西嶽山人
揖東海生而進曰僕西嶽山人也由居西嶽華山
下今者汗漫遊於東海敢問東海之勝奚若東海
生曰夫東海天下巨麗之觀也今者子從華山西
來大海之勝吾且與子共覽焉又焉事僕空侈談

其盛哉乃相與登海門縱目觀之偉哉大浸恢詭
特異氣蒸宇宙流濕雲翳簸弄廓萬形失巖合
渾沌并元氣蕩八荒吞四裔漭漭浩淼超忽不知
其窮際爾乃踟躕旁皇於其上海風蓬蓬而蕭颼
高天下垂大地歆浮長波捲雪跳沫崩立肆遐矚
於空曠顛倒恍惚窅然喪其赤縣神州雄恠駭爾
心目神炁散而不收西嶽山人曰有是哉東海之
勝一至此壯也東海生曰今者子徒得其大觀尚
未領其奧區也僕攷之載藉東有大壑名曰歸虛
受八紘九野之水納天漢之涿而廓乎有容涵乎
無餘南通滇池東至瑯邪北亘亥朔西涉流沙掩
三湘吞七澤杯盂九河潢潦四瀆大海之外又復
胥海禹迹之所不能到圖經之所不能載日月躔
丸於其中浮大地之幾何曾不盈其一塊又有扶
桑千仞上凌太空杳杳呀靈根莫窮巨鰲載乎
五山峙萬古之神功橫波乘漲不與壑通唯飛僊
而能至寔乃大帝之所宮蓬萊萃嶽而軒露方壺
天矯而騫驤大鳥集於壙垠之野羣仙會於虛無

之塲遊鴻濛遨雲將樂苑風嬉東皇盧敖偕若子
而夷猶安期邀羨門而翱翔淳圉拉陵陽而容與
浮丘接王喬而尚羊仰貫列缺之倒影上干北斗
之瑤光吾將劃然長咲矯焉輕舉駕赤螭躡綵虹
蛻塵跡訪僊蹤以凌乎海上之諸峯子其能我從
乎西嶽山人曰唯唯是或難哉子將凌虛徑度僕
恐身不能生毛羽若乘舟以往即望見仙山輒奮
天風吹之而公柰何子無誕矣僕聞之聖人出世
海不揚波有諸東海生曰然即越裳氏所稱今昔
之謂也今天子神聖首治改元恢唐虞之至德
流大海之波瀾化及昆蟲息被八埏而西蜀劉公
又遠膺天子簡命以節鉞來鎮東偏於鑠劉公
一代偉人坐鎮方面雄視海門千艘霧列萬竈雲
屯威令霜肅德煦春溫大海以東兀然重關巨鎮
不啻一虎踞而龍蹲也方今上之未御寰宇而
劉公之未秉節鉞於東土也當其時島夷跼梁弄
兵海上鯨鯢吹腥蛟鱷鼓浪洪波鼎沸飄忽震蕩
掠豕編戶虔劉元元壯者俘馘老弱見殘積骸如

正流血成川羽書交馳偵騎絡繹將士枕戈天
子盱食固嘗徵蕞荆楚之劍士召募三河之巨猾
廣收秦隴之勇悍結納燕趙之豪傑莫不臨陳怖
栗不戰自摧虜人屠之如芟艸萊賊用猖獗疾於
風雷淞河以東江淮以南賊衆橫行蹂為戎馬之
墟城邑蕭條人民逃遁天子震怒大吏伏誅秉
鉞相繼重而翦鋤今者劉公之來軍聲大揚不怒
而威不戰而強窮寇禡魄遠竄遐荒公志弗懈愈
嚴邊防爾乃伐鼓撞鐘建羽揚旂叱咤則噴薄山
岳指顧則旋轉滄溟截水怪駟蜃精奔巨鯨走長
鯨伏罔象之神姦禡支祁之猙獍陽侯頓戢其惡
風靈胥不鼓其狂波琴高伏日月之光景海童吸
陰陽之靈和竒相助順於沙汭岷精呈曜於巖阿
駉馬遯迹於重泉水兕潛形於盤渦龍鯉一角而
馴擾天吳九首而婆娑沈遊神蛺蝶屏息靈鼉文魃
精麗其鎔綺玄蠟光生乎織羅樓臺結乎蜃氣光
芒熒於若華百靈栖息萬怪不譁瑞藹葱蒨瑜奇
孕出玳瑁璀璨絢霞映日水晶獻於馮夷之宮冰

綃貢於鮫人之室明珠來於驪龍之洞大貝出於
龜鼉之窟璿玉見於析木之津玫瑰效於金樞之
穴鳴石叩而有聲浮磬塵而不汨又有文鷁窈窕
竒鷁連娟白鵠踉蹌玄鶴翩躚爰屋之栖島嶼屬
玉之下藍田大鵬之翻垂雲鷄鷄之光竟天是皆
珍怪瓌瑰權竒鬼化詫希世之瑞而壯靈海之觀
又如颶風不侔海若大喜平波展鏡深不見底天
朗氣清廓落萬里曜靈出於暘谷朝暎舛乎扶桑
乘躑躅而縹緲沉滢浮而蒼茫六合清塵王風四
張百粵底定物無災傷配美周京海波不揚若乃
島夷卉服窮髮荒陬新羅高麗朝鮮琉球烏衣黑
齒穿心飛頭海外之國類千百許雕題文身獸形
鳥語天界夷夏隔絕中土莫不梯山航海間關長
征重譯款塞來朝聖明獻琛質子頓首闕庭妖氛
滌蕩寰宇澄清海無驚波東方以寧於是玉帳書
閑高牙夜寂鳴笳不動刁斗不擊元戎坐笑圍棋
對客椎牛饗士超距投石戰卒解甲健兒橐弓水
犀三千貔貅萬營艤艘巨艦舳舻艨艟錦帆綵幔

青雀黃龍莫不維纜海濱橫槩相連高歌鼓吹擊
榜叩舷三軍驩譁誼旭徹天或觀濤於浦口或弄
潮於急湍或試舫錢唐之強弩或戲擲駘后之長
鞭漁者垂簷何之綸投任公之釣搜滌徧之流窮
幽眇之島總江豚羅海豨取鮠鱠索王鱸帆檣相
戛和歌擊鮮而或引吞舟之巨鱗連橫海之頰尾
鬢鬣插雲顱骨積壘流膏吐涎腥聞千里獵者張
機設經列滿坑谷弋舫海獸奔駭馳逐獲狡兔縛
鉅鹿麟豕猿鸞徕獲納骨專車割鮮殷載至若海
上編氓居鄰斥鹵煮海為鹽沃饒萬戶經營太公
料理仲父筴藉句稽大國以富或採海鎔往來隨
潮水母目蝦屋瓦泛珽后華海月螺蚌鰾鮓金蘆
玉膾人競肥膏又若海舶大賈易貨島外挂席海
水憑陵澎湃出沒魚龍經涉神怪關吏不詰津卒
自在齊民之環海而居者樂化日之普照沐聖澤
之無涯魚鹽襍還煙火萬家秋熟粳稻春榮桑麻
黃稚鼓腹而嘻遊俠少蹴躅而紛拏吳舡越唱激
楚渝巴搥鼓吹笙管絃嘔啞歌士遊女聯袂滿車

遺簪墮珥履舄交加矜珠玉之滿盛闢羅綺之繁
華斯皆 聖天子之宣鉅化敷偉功運真宰參玄
穹仁覆京邑旁流四封而宴劉公之有大造於東
也是以 朝廷釋東顧之憂大臣不復建靖海之
策 天子舉萬壽之觴於上詞臣撰太平之頌於
側高扈穆清海天寧謐又奚必如漢武泛蓬萊之
樓船秦皇侈會稽之勒石皇圖永固其臬無極僕
將與子偃臥海濱覽其巨麗收其闔放以天子之
芻臆於是西嶽山人瞿然而驚爽然而喜起謝曰
僕居華下日嘗登嶢巖履崔巍以為天下之大觀
自華止矣今者觀於海復聽子談東海之勝迺今
僕自失耶莊生河伯海若之喻詎不信哉

霞爽閣賦

有序

族孫峻以司寇郎陳情歸脫屣軒冕放意丘壑
博雅好古與世寔諧寄莊生之傲逸於空虛守
楊氏之玄遊乎寂莫操大人鴻鉅之業恢曠士
寡廊之觀騁茲龍駟永謝天弢矯彼冥鴻何施
增繳益誠翩翩近世之佳公子也構樓江澣制

日者集 卷之一
極宏敞余與諸君登而樂之憑高覽下萬念為
空裂昔蕩胃六合都喪余也長嘯希元龍之豪
雄篇媿仲宣之藻擗管抽思為霞爽閣賦其辭
曰

有玄覽生真心六合抗志九垓陸沉於俗遊息無
闕宅太清之爽塏謝市塵之喧逐及春光之駘蕩
撫高閣而崔巍崔嵬乎高哉其為閣也割鴻濛以
佐界攬虛無以崇墉奠東極以規制順青陽而經
綽宮駟句芒而啓道諏時令於木公清氛埃於箕畢

鼓元氣於豐隆綵雲充棟蝮竦浮牕丹霞卷幔白
玉聯牀覆以雕甍綴以碧璫重檐兀乎孤騫長廊
翼而高張颯沓逶迤轆轤茫洋上拔層城下迄長
江後枕巨海前覽大荒金莪東指秦望西降近倚
四明之巔絕遠拱天台之石梁儼山川其曠而與
寥廊而尚羊聊登高而送目極平楚之蒼蒼思策
足而凌倒影亦飛心而挂扶桑飄若登霞眴若捫
日髣髴步碣石之宮憇閭風之室目搖搖而不寧
耳愴恍而靡一園林窈窕間以陂池秀木扶疎嘉

卉葳絀櫛榭榿榕梗栴檜松沙棠木蘭青楓白桐
離奇輪囷鬱鬱葱蔥幽蘭素馨紫葍芳蓀辛夷躑
躑木槿葵蕙雲霞絢爛紅白繽紛綠井幹而騁豔
當玉祀而楊芬頰眊洲渚綠波微鋪下乘雁飛雙
鳧采蘋藻酌菰蒲賦蘭茝咏麋蕪旁日月而飲沉
瀝招安期而望蓬壺納灑氣於虛牖象仙人之所
都朝暎夕霏變幻於側春燕窺簾秋螢度席嘗覽
物而歎逝亦忼慨而沉惻爾其疾風崩雲海水若
鶩白波相摧山嶽鼓舞乘蹻翕張煙沙莽互氤氲

靈霽揮霍吞吐砰磅訇磕砢呀吼怒大殼振谷餘
響排戶憑虛一覽黯不可睹激悲壯之長言收歎
宕於靈府至若萬里無翳天高氣朗明月照而
闌空天河低而朱扉敞汪青海碧颯然蕭爽若標
霞光而孤暎遡元化而歌往爾其中也搜二酉之
秘簡藏五岳之真圖儲泰山之玉牒畜禹都之金
書羨鴻寶之奇羨集虎觀之鉅儒春容璀璨間雅
且都策此天駟駕彼龍輿闖乎上乘躡乎靈虛張
皇要眇之論博究宏達之旨高參垓圯下淪渣滓

顯揭二曜幽入京汜俯括後代仰超無始漂唐流
虞蕩殿滌如正言森列卮言淋漓大言極乎圖南
小言託乎鷲斯掩中壘之博綜窮執戟之玄思然
青藜而照一夜吐白鳳而離披至若蕙肴既蒸桂酒
既清聖君丁公於暇日接高燕以娛情進犧尊陳霓
觥彈雲璈吹玉笙倒屣王粲虛左侯嬴折節田光
厚禮荆卿出林羽像之士廟堂瑚璉之器談天炙
轂之辯手九擊劍之技子雲筆札君卿喉舌五都
豪舉三輔奇傑莫不奉其清塵聆其謦欬或含
授簡篇章灑灑長嘯發而天籟應秀句澆而波臣
駭至若嘉賓出門焚香燕坐玩心蒙李潛神楚些
隱几頽然青山忽墮付高情於天雲遺形骸於彼
豕齊萬乘於止民又安知高臺之與蓬觀章華既
墟銅雀為丘黃煙起荆門西陵生松楸漢水無恙
漳河自深嬌譎響絕妖姬不收繁華綺麗委彼道
周余欽伊人之玄邈永標睽於茲樓亂曰登傑閣
兮臨鴻濛采三秀兮於山中春秋代謝兮如飄風
春艸綠兮秋荅紅萬物總盡兮歸化工丘壘荒兮

揚枯蓬何不鍊液兮還其童一室臥遊兮當何窮
駕青霓兮驟西龍御六氣兮徧八紘朝崑崙兮莫
空同懷公子兮心忡忡願從之兮排玄穹

閔貞賦 有序

翟節婦之死余既為之贊乃心高節婦不已既
讀揚司空閔貞賦感焉可謂異世同慨遂有
此作願富材功力既乏漢轂亮節繁音復慙六代
聊以寫余心之忡忡矣

煌煌燕京端居至尊倚拔堪輿包絡川原屆庸庸
視太行龍奔金臺崔嵬高枕帝閭玉河湯湯流於
薊門王氣盤礴秀結雄屯覽方輿之滕槩吊徃古
之遺蹤昭王黷憤昌國景從太子召乎馬角荆卿
感乎白虹田光忼慨而折肱漸離擊筑而悲恫精
光變天歎訝生風燕丘荒而俠骨銷易水寒而壯
士去靈氣不收山川奔互蜿蜓鬱糾是生貞嬭維
此貞婦婉孌靜柔叶鳳占於太卜迎雁幣於塞脩
奉君子之清塵懼下女之是羞薦蘋宗廟采綠道
周調瑤瑟之和聲結錦褱之綢繆指白日以蒞盟

誓黃河之長流娛清風於曲房
眺明月於高樓銀缸照夜紈
扇度秋期千齡而萬歲不挂
人間之離憂何夫君之不延
儵淹化而訣絕恒嶽峰摧遼
海波竭榮華霜殞光景電滅
朱絃慘其無聲玉簫短而吹
折爾其為景也高天次寥平
野蕭條朔雲下垂層冰折膠
大陸不流薊馬失驕河盡檉
柳原枯蘭若日落沙昏煙起
風嚟鬼火微陰房青華燭滅
玄堂高冷月鑑乎總帷飄風
動乎銘旌佳人慘怛黯乎傷
情爾其為容也啾啾喑喑漆
漆沉沉霜積素面淚落空襟
朱粉不御羅襦塵侵脫太玉
珥棄擲華簪神亡形稿若聾
若瘖瞋息塊苦之上枯坐靈
輻之下鬼伯相呼司命不假
悵夫君之不來白日匿而長
夜恒屏寢食以徬徨顧靈脩
之速化從夫君於夜臺永與
世而相謝承思古人恠鬱怛
怛睠心令女矢志陶嬰疑妻
斷臂梁竄殘形遊目蒼梧之
野想鼓瑟之湘靈殷啼痕於
脩竹銷綠黛於黃陵爾乃絕
粒而逝枵腹而稿影閱寒垆
墳荒古道孤月照而添黃空
雙燕飛而重門俏綉被委於
香

塵玉骨化為瑤艸悼夫婦之精魂託萋蘿而憑幽
鳥效伉儷於黃壚後天地而不老

五色雲賦

五月既望遵湖而西驅車高原飲馬空陂娟娟者
湖秀絕而孤綿亘十里暎帶城隅沙長水明沉鷗
浴鳧青蒲照人綠波平鋪乃稅駕於湖濱吊管賢
之遺跡余欽斯人兮高曠俯大湖而歎息嘆息自
天俛仰今古何彼卿雲爛焉以臣迴合朗暎皦日
微吐蔽天者半厥色維五厥狀瑰麗玄黃雜組或

如玄圭或如白珂或如靈芝或如玉禾或如絳綃
或如紫紵或如文杏之葉或如含蕊之穎或如瓠
原之草或如春湘之波澹脩眉之連蜷呈冶態而
婀娜又如萬卷靦開百鳥齊飛奇姿窈窕秀色離
披威鳳之彩歲牲錦鷄之翼差池屑屑霏霏纒纒
褰褰紛乎若纈齷乎若髻又如僊人製錦借色雲
君濯彼天河五彩成文丹霞失麗明星載昏長天
紺碧遙光深靚羣山並朗回浦獨暎芙蓉相鮮下
爍紫葍大物矜炫變幻靡窮乍散乍合若淡若濃

廊兮若啟宵兮若幪嗟此璀璨雕彼太素神乎巧
哉天孫所妒何文章之綺靡恐上帝之是怒疇驅
真宰泄祕抽玄東壁獻圖丹甲命篇揆河漢以希
彩走五星於毫端振藻耀日鴻思寫天筆妖虹而
直上捫列缺而倒懸洵天章之巨麗何人工之能
為相如么麼子雲無奇錦心莫吐彩筆藏輝雕龍
刻鳳之技黼黻藻火之形莫不銷其文采遁其精
靈金闕洞開高啟玉樓丹青鎔落棟宇雕鏤閣道
玲瓏列僊出遊引以瑤輿夾以華輶霞裾成削環
珮相糾紛朱幢與紫蓋嵌七寶而雜琳球朗鳥翕
赫六合晶熒繪山川絢日星掩關門之紫氣奪霞
標於赤城胥爛其炁燁燁其英王母之所不能謠
羣臣之所不能賡是誠乾坤之上瑞也 國家之
文明若馬神奕悅矣骨驚余安得躡層雲而上馳
下覩大地之與蓬瀛聊申意於斯文悵獨立而屏

營

歡賦

有序

余處冗賤百憂煎人側身天地長苦跼蹐思欲

揮悶散心寄興楮墨我思古人動多憂愁昔士
衡歎逝文通賦恨驚心動魄一字一歎每一披
覽秋氣颯颯風雨欲來使人惻愴幾不知有生
人之樂矣友人馮夢禎謂僕曰子何不為歡賦
悅心暢意破彼我之煩懣宣萬物之鬱塞則此
道貴矣夫愁苦之語易好歡娛之言難工然烏
可以其難而會毫沮喪也於是為賦焉文通諸
君子見當掩口

晨登山阿下覽八紘天地開朗風日熹明遊人出
舞平於是僕本曠士解顏暢鬱百慮盡捐
萬物皆我我思古人歡情靡一娟娟皇姪夜處璇
關蓬島導渚帝子是依精靈感化中心不遠清歌
相本游漾忘歸軒轅守和冥心合道夢遊華胥萬
國熙皞終登空同後天地老子晉僊才神骨蕭爽
丹經既成捫霞直上群靈夷猶九州糞壤薄富貴
而不懷希世外之幽賞英英穆滿志狹乾坤萬里
煙鷲八駿雷奔謁西王母登彼崑崙奏白雲之長
謠俯弱水而歷天門秦家公主氣凌紫氛一當蕭

史遂猷人群攬虹霓而並佩製丹霞以為裙睇樓
上之明月躡天邊之彩雲長辭綺閣永隨夫君千
秋萬歲此樂何云越王破吳奏凱言歸載蛟眉於
金車挂將士以錦衣樓船壓江濤朱旗晃日輝緹
騎填平廣陌羅綺盈於中閨堂上燭滅笙歌不喧
尊罍酒清房櫳月昏闔者出客主人留髡坐細毳
以中夜傾一石而何言至若漢帝英雄初誅項王
山河入掌弓矢斯藏過豐沛兮訪故借父老兮尚
羊歌大風而忼慨覽雲氣之飛揚又如延年獻歌
夫人初御驚玉骨之凝霜豔輕綃之如霧樓閣會
風偕除墜露洵明珠之照人判傾城於一顧衛霍
出塞士馬精彊匈奴滅漢道昌黃金朱第列侯煌
煌鈿釵作隊歌舞成行相如弄琴文君私喜臨邛
夜亡成都歸市姿態豔目芙蓉心妬紅蘭蕙葉方砌
青苔生玉祀雖貧賤其何傷願百齡以為矢若夫
太液波明昭陽月滿香蓮罨舟涼風送管黛色欲
絕歌聲乍緩旣和媚而魂癡亦宛麗而心斷兔園
既開梁王意歡碧瓦宵白朱門夜寒集詞客之鴻

藻駟凍雲於毫端孟德芟除四方蒿萊雄圖既就
猛士歸米引漳河以為池鑄銅雀以為臺清吹干
雲步輦轟雷高歌烈士泰山崔巍陳王妙才應劉
卓犖寶馬金羈光輝歷落出馳東郊歸宴平樂神
飈蕩空青山暎閣會稽諸賢遠覽高步山川崩峭
雲物莽互喬松夾道脩篁繞戶一咏一觴凌虛徑
度庾公風流作鎮武昌挾賓佐娛景光攬明月登
胡牀酣飲其無人代長嘯而下天霜又有征夫戍
邊思婦含悽長想忽見遠行乍歸今夕何夕月白
星輝高堂啟兮春溶溶朱簾捲兮秋漫漫新昏合
兮出瓊珮佳期至兮藉芳蘭金爐兮乍焰紅燭兮
未殘莫不款爾彌洽爽烏和愉寸腸不結雙眉長
舒知離憂之為何物豈羨夫神僊之所居

由卷集

卷之一

十七

